



## Gradonačelnik

Broj: 07-893/24

Datum: 12.04.2024.godine

Gradonačelnik na osnovu člana 70. stav (1) i (4) Zakona o javnim nabavkama ("Službeni glasnik BiH", broj: 39/14 i 59/22), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), a na preporuku Komisije za javnu nabavku po Zapisniku o pregledu i ocjeni ponuda broj: 07-893/24 od 11.04.2024. godine za javnu nabavku radova – sanacija, uređenje i opremanje objekata sporta i rekreacije na području Grada Srebrenik, **d o n i o j e:**

### ODLUKU O PONIŠTENJU POSTUPKA

#### I

**Poništava se** Otvoreni postupak za javnu nabavku radova – sanacija, uređenje i opremanje objekata sporta i rekreacije na području Grada Srebrenik, za koji je objavljeno Obavještenje o nabavci, broj: 761-1-3-13-3-44/24, dana 20.03.2024. godine na Portalu javnih nabavki i sažetak obavještenja o nabavci, objavljen u „Službenom glasniku BiH“, broj: 20/24, dana 22.03.2024. godine, a u skladu sa članom 69. stav (1) tačka b) Zakona o javnim nabavkama, **jer nije dostavljena niti jedna ponuda u određenom krajnjem roku za dostavljanje ponuda.**

#### II

U skladu sa članom 70. stav (6) Zakona o javnim nabavkama, Grad Srebrenik će ovu Odluku objaviti na svojoj internet stranici: [www.srebrenik.ba](http://www.srebrenik.ba)

### OBRAZLOŽENJE

Ugovorni organ, Grad Srebrenik je u skladu sa članovima 14. stav (4), 17. stav (1), 18. stav (1) Zakona o javnim nabavkama, pokrenuo otvoreni postupak, broj: 07-893/24, dana 13.03.2024. godine, za javnu nabavku radova – sanacija, uređenje i opremanje objekata sporta i rekreacije na području Grada Srebrenik. Na portalu javnih nabavki, objavljeno je Obavještenje o nabavci, broj: 761-1-3-13-3-44/24, dana 20.03.2024. godine i sažetak obavještenja o nabavci u „Službenom glasniku BiH“, broj: 20/24, dana 22.03.2024. godine.

Kao kriterij za dodjelu ugovora određena je „najniža cijena“.

Na osnovu Obavještenja o nabavci i Tenderske dokumentacije zakazano je javno otvaranje ponuda dana 11.04.2024. godine u 11:30h u prostorijama Službe za finansije i inspekcijski nadzor gradske uprave Srebrenik. Komisija je na javnom otvaranju ponuda konstatovala da do utvrđenog krajnjeg roka za prijem ponuda, nije zaprimljena nijedna ponuda.



U skladu sa članom 65. Zakona o javnim nabavkama, Komisija je sačinila Zapisnik o pregledu i ocjeni ponuda broj: 07-893/24 od 11.04.2024. godine, koji je sastavni dio ove Odluke, u kojem je dat prijedlog da se postupak poništi iz razloga što za isti nije zaprimljena nijedna ponuda u utvrđenom krajnjem roku za prijem ponuda.

Shodno prijedlogu i preporuci Komisije za javne nabavke, poništava se Otvoreni postupak za javnu nabavku radova – sanacija, uređenje i opremanje objekata sporta i rekreacije na području Grada Srebrenik, a u skladu sa članom 69. stav (1) tačka b), jer nije dostavljena niti jedna ponuda u određenom krajnjem roku.


Na osnovu svega naprijed navedenog, ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3 (tri).

Dostavljeno:

1. Službi za boračko invalidsku zaštitu i društvene djelatnosti,
2. Budžetu
3. Evidenciji,
4. Arhivi,

GRADONAČELNIK  
  
Adnan Bjelić

